



Direktoratet for mineralforvaltning

med Bergmesteren for Svalbard

Adresseinformasjon fylles inn ved ekspedering.

Se mottakerliste nedenfor.

Dato:

03.12.2020

Vår ref:

16/01797-20

Deres ref:

Tildeling av driftskonsesjon etter minerallova for Søreide masseuttak i Gloppen kommune. Tiltakshavar: Eide Sandtak AS

POST- OG BESØKSADRESSE

Ladebekken 50
7066 Trondheim

TELEFON + 47 73 90 46 00

E-POST post@dirmin.no

WEB www.dirmin.no

GIRO 7694.05.05883

SWIFT DNBNOKK

IBAN NO5376940505883

ORG.NR. NO 974 760 282

SVALBARDKONTOR

TELEFON +47 79 02 12 92

1. Tildeling av driftskonsesjon

Direktoratet for mineralforvaltning med Bergmeisteren for Svalbard (DMF) viser til søknaden om driftskonsesjon datert 31. oktober 2016 frå Eide Sandtak AS, med organisasjonsnummer 970 956 131. Eide Sandtak AS, med organisasjonsnummer 970 956 131, heretter kalla «Tiltakshavar» eller «Tiltakshavaren», får med dette driftskonsesjon etter minerallova § 43.

Tiltakshavaren får driftskonsesjon for uttak av mineralske ressursar i Søreide masseuttak på del av eigedomen gnr./bnr. 2/1 i Gloppen kommune. Mineralførekomenstn høyrer til kategorien mineral som grunneigaren eig.

Konsesjonsområdet har eit areal på kring 10 daa og går fram av kart i vedlegg 1.

Etter reguleringsplan for Masseuttak på Søreide (planID 200304), vedteken 24. februar 2003, er området regulert til masseuttak.

2. Vilkår for driftskonsesjonen

Konsesjonen blir gjeven på desse vilkåra:

2.1. Driftsplan

Drifta skal til ei kvar tid gå føre seg i samsvar med ein driftsplan godkjend av DMF. Dersom Tiltakshavaren ønskjer å gjere vesentlege avvik frå driftsplanen, skal DMF godkjenne dette på førehånd.

DMF kan krevje ny oppmåling og at ajourførte kart og profilar skal sendast inn når DMF finn det nødvendig.

2.2. Økonomisk sikkerheit



Tiltakshavaren blir pålagd å stille økonomisk sikkerheit med NOK 600 000, som skildra i punkt 5.11 av vedtaket, for å sikre at nødvendige sikrings- og oppryddingstiltak blir gjennomførte etter minerallova §§ 49 og 50, jf. minerallova § 51.

Den økonomiske sikkerheita skal stillast i form av ein bankgaranti som ein påkravsgaranti for et beløp på NOK 600 000 som skildra i punkt 5.11.

Innan 2 månader etter datoен då konsesjonsvedtaket blei gjort skal Tiltakshavaren ha:

- (i) inngått ein avtale om finansiell sikkerheit med DMF, vedlegg 2;
- (ii) lagt fram påkravsgaranti frå bank som DMF vurderer som tilfredsstillande, vedlegg 3;

2.3. Bergteknisk ansvarleg

Det skal utan grunnlaust opphald sendast skriftleg melding til DMF om alle skifte av bergteknisk ansvarleg for eit uttak.

2.4. Andre vilkår

- Den regulerte føremålgrensa for massetaket skal setjast ut eller markerast i terrenget på ein slik måte at den er lett synleg gjennom heile driftsperioden.

DMF gjer merksam på at ein driftskonsesjon gjeven etter minerallova ikkje erstattar krav om løyve, godkjenning, arealplan eller konsesjon etter anna lovgjeving.

3. Godkjenning av driftsplan

DMF godkjenner driftsplanen for Søreide masseuttak. Den godkjende versjonen av driftsplanen ligg ved dette konsesjonsvedtaket.

4. Høyringsfråsegnar med kommentarar frå DMF

Søknaden om driftskonsesjon har vore på høyring, jf. forvaltningslova § 17, hos desse høyringsinstansane: Gloppen kommune, Statens vegvesen Region vest, Fylkesmannen i Vestland, Norges vassdrags- og energidirektorat Region vest, Statnett SF, Vestland fylkeskommune og andre rørte partar.

Høringsperioden var frå 17. september 2020 til 15. oktober 2020.

Frå høyringsfråsegnene har DMF særleg merkt seg dette:

Gloppen Energi AS

Attgjeving av Gloppen Energi AS si høyringsfråsegn:

«Gloppen Energi AS (GE) driv kraftproduksjon i Gloppeelva med kraftstasjonane Trysilfossen, Eidsfossen og Evebøfossen. Søreide masseuttak ligg eit par hundre meter frå Gloppeelva. Vassendemona grustak (Eidemona), som skal nyttast til deponering av massar, ligg så og sei langs elvekanten til Gloppeelva.



Gloppen Energi AS har lagt ned eit arbeid med flaksehalsanalyse og tiltaksplan for anadrom fisk i Gloppenelva, samt eventuelle miljøforbetrande tiltak for fisk i etterkant. I ein slik samanheng er det viktig for GE at andre potensielle påverkarar i vassdraget også har et bevisst forhold til å redusere negative påverknader m.o.t. livet i elva. GE vil derfor gi innspel om at vi saknar ei omtale av korleis avrenning til vassdrag er vurdert og tenkt handtert i driftsfasen, for å avgrense tilførsel av finsediment til Gloppenelva, som kan medføre tilslamming av elvebotn og vere uheldig for gytte- og oppvekstområde for fisk.»

DMF sin kommentar

DMF tar høyringsfråsegna til etterretning, og har sendt høyringsfråsegna til Tiltakshavar for kommentar. Tiltakshavar har svart følgjande:

«Svar på høyringsfråsegn frå Gloppen Energi AS.

Eide Sandtak AS driv med produksjon av betongtilslag, strøsand, pukk og grus i Vassendemona grustak. Vi skal òg ta i mot grovknust fjell frå Søreide fjellmasse-uttak.

Vårt mål er å drive dette med så lite negativ påvirkning av miljøet rundt oss som mogeleg. Vi har etablert 4 store laguner, dei fungerer som sandfang. Overflate-vatnet som kjem frå køyre/produksjonsarealet, reiser ned i lagunene, slammet sig ned, og vatnet renser seg.

Viser det seg at lagunene med auka aktivitat ikkje klarere å rense overflatevatnet tilfredstillande, lyt vi utvide sedementerings-lagunane, eller lage fleire.

Venleg helsing
Stig Seime
for Eide Sandtak AS»

DMF føreset vidare at Tiltakshavar følgjer reglane i forureiningsforskrifta kapittel 30, og dessutan vassressurslova § 5, der det av første ledd følgjer at «enhver skal opprette aktsomt for å unngå skade eller ulempe i vassdraget for allmenne og private interesser». Vi oppmodar òg Tiltakshavar til å gå i dialog med NVE og kommunen for å sikra at eventuelle uønskte hendingar knytte til avrenning er tilstrekkeleg tatt vare på.

Norges vassdrags- og energidirektorat Region vest

NVE uttalar at dei, under føresetnad av at arealbruken er i samsvar med vedteken arealplan og at det såleis er gjennomført ein føregåande planprosess der NVE er gitt høve til å medverke innanfor sine ansvarsområde, ikkje har ytterlegare kommentarar til saka.

DMF sin kommentar

DMF tar høyringsfråsegna til etterretning.

Statens vegvesen Region vest

Statens vegvesen uttalar at dei ikkje har merknader til dokumenta som er på høyring.

DMF sin kommentar

DMF tar Statens vegvesen si høyringsfråsegn til etterretning.



Fylkesmannen i Vestland

Attgjeving av Fylkesmannen i Vestland si høyringsfråsegn:

«Villreinobservasjonane speglar ikkje villreinen sitt leveområde

I høyringsbrevet spør de om fylkesmannen kan vurdere forholdet til naturmangfaldlova med tanke på at uttaksområdet det vert søkt om ligg innanfor område for villrein i Naturbase, Førdefjella, villreinidentitet BV00000630. Grensene for villreinobservasjon speglar ikkje villreinen sitt leveområde. Fylkesmannen vurderer at villreinen ikkje blir påverka av masseuttaket i konsesjonsområdet.

Hindre partikkelavrenning til vassdrag

Uttak av mineral kan vere forureinande. Forureiningslova slår fast at det er forbode å forureine. Vi føreset at verksemda ikkje har avrenning av partiklar til vassdrag.

Handtering av mineralavfall

Kapittel 17 i avfallsforskrifta handlar om handtering av mineralavfall. I eit eventuelt driftsløyve bør det nemnast at verksemda må etterkome reglane i forskrifta viss det oppstår mineralavfall ved verksemda.

Regulering av knuseverk

Viss det er eit knuseverk på staden gjeld kapittel 30 i forureiningsforskrifta om forureining frå produksjon av pukk, grus, sand og singel. Den set krav til utslepp til vatn, støy og støv. Fylkesmannen skal også ha melding om knuseverk. Det er eit eige skjema på våre nettsider som kan nyttast som meldeskjema.

Vi har elles ikkje merknadar til søknaden..»

DMF sin kommentar

DMF tar Fylkesmannen i Vestland si høyringsfråsegn til etterretning. Vi har vidare merka oss Fylkesmannens utsegn om kapittel 17 i avfallsforskrifta og forureiningsforskrifta kapittel 30. DMF føreset at Tiltakshavar setter seg inn i gjeldande regelverk og at desse følges. DMF ønsker vidare å merke at ei tillating etter minerallova, herunder driftskonsesjon, ikkje erstattar krav om andre løyve, godkjenning, arealavklaring eller konsesjon etter anna lovgiving, jf. minerallova § 5.

5. Korleis DMF vurderer søknaden om driftskonsesjon

Føremålet til minerallova er å fremje og sikre samfunnsmessig forsvarleg forvaltning og bruk av mineralressursane i samsvar med prinsippet om ei berekraftig utvikling.

Etter minerallova § 43 er det krav om driftskonsesjon frå DMF for samla uttak av mineralførekommstar på meir enn 10 000 m³ masse og for alt uttak av naturstein. Berre den som har utvinningsrett kan få driftskonsesjon.

Konsesjonssøknader går gjennom ei skjønnmessig prøving før det blir avgjort om det skal gjevest driftskonsesjon. I vurderinga av om det skal gjevest driftskonsesjon skal det leggjast vekt på om søkjaren er "skikka" til å utvinne førekommsten. Dette inneber at ein



skal leggje vekt på om prosjektet ser ut til å vere økonomisk gjennomførbart, om det blir lagt opp til bergfagleg forsvarleg drift, og om søkeren har tilstrekkeleg kompetanse til å drive førekomsten. I vurderinga av om det skal gjevast driftskonsesjon skal det også leggjast vekt på omsyna som er nemnde i minerallova § 2.

DMF kan fastsette vilkår for ein driftskonsesjon. Når DMF avgjer kva vilkår som skal stillast, vurderer direktoratet mange av dei same omsyna som er relevante for vurderinga av om det skal gjevast konsesjon.

DMF har vurdert konsesjonssøknaden slik:

5.1 Utvinningsrett

Mineralførekomsten som skal utvinnast tilhørar kategorien mineral som grunneigaren eig. Tiltakshavaren er ikkje grunneigar for konsesjonsområdet, og det blir difor kravd avtale med grunneigaren om utvinningsretten til førekomsten. Tiltakshavaren har i søknadsprosessen lagt fram ein avtale/avtalar med grunneigaren/grunneigarane for grn./bnr. 2/1, datert 21.07.2020, som dokumentasjon for utvinningsrett.

Avtalen gjev Tiltakshavaren utvinningsrett til førekomsten på det området det er søkt om konsesjon for i avtaleperioden.

Etter DMF si vurdering har Tiltakshavaren utvinningsretten til førekomsten.

5.2 Arealstatus for tiltaket

Konsesjonsområdet har eit areal på kring 10 daa og går fram av kart i vedlegg 1.

Etter reguleringsplan for Masseuttak på Søreide (planID 200304), vedteken 24. februar 2003, er området regulert til masseuttak.

5.3 Økonomien i prosjektet

DMF har vurdert den vedlagde informasjonen om økonomien i prosjektet. Etter DMF si vurdering er prosjektet økonomisk gjennomførbart.

5.4 Driftsplan

For å sikre at kravet om bergfagleg forsvarleg drift blir oppfylt, finn DMF grunn til å ta inn i konsesjonen eit vilkår om at drifta til ei kvar tid skal gå føre seg i samsvar med ein driftsplan godkjend av DMF.

Driftsplanen skal vere eit styringsverktøy for Tiltakshavaren i gjennomføringa av uttaket, og eit referansedokument i samband med DMF sine tilsyn.

I samband med søknaden har Tiltakshavaren lagt fram eit framlegg til driftsplan for uttaket.

Framlegget til driftsplan omfattar heile driftsperioden og avsluttinga av steinbrotet. Skildringa og kart- og snitteikningar presenterer den planlagde brytinga av førekomsten innanfor arealet på 10 dekar som søknaden gjeld. Det totale volumet fast fjell som skal takast ut er estimert til 25 000 m³. Det årlege uttaket vil variere med marknaden, men det planlagde uttaket per år er 12 500 faste m³. Det er planlagt drift i ein attståande etappe. Det blir også presentert ein plan for sikring og avslutting. Planen er å føre brotområdet tilbake til landbruksområde.



Etter DMF si vurdering kan den vedlagde versjonen av driftsplan for Søreide masseuttak godkjennast. Ein finn at planen tilfredsstiller dei krava som DMF stiller til driftsplanar, og etter DMF si vurdering legg planen opp til bergfagleg forsvarleg drift.

Dersom det under drifta oppstår nye situasjoner eller andre endringar i føresetnadene for drifta, til dømes geologiske og kvalitetsmessige variasjoner, bør det likevel på visse vilkår kunne opnast for å gjere endringar og tilpassingar i planen. Dersom Tiltakshavaren ønskjer å gjere vesentlege avvik frå driftsplanen, skal DMF godkjenne dette på førehånd.

Undervegs i drifta kan DMF få bruk for oppdaterte kart og snitt som dokumenterer den noverande situasjonen i uttaksområdet og status i høve til den godkjende driftsplanen. Det blir difor teke inn som eit vilkår i konsesjonen at DMF kan krevje at Tiltakshavaren gjer ny oppmåling og at ajourførte kart og profilar skal sendast inn når DMF finn det nødvendig.

5.5 Bergfagleg forsvarleg drift

Kravet om at drifta til ei kvar tid skal gå føre seg på ein bergfagleg forsvarleg måte inneber at aktiviteten må vere i samsvar med tilfredsstillande faglege standardar for denne typen verksemد.

Etter DMF si vurdering er den føreslegne driftsplanen for uttaket bergfagleg forsvarleg. Ved vurderinga har DMF lagt vekt på driftsplanen for uttaket.

5.6 Kva kompetanse søkeren har til å drive førekomensten

I vurderinga av om søkeren har tilstrekkeleg kompetanse er det den totale kompetansen som søkeren har tilgang til som skal vurderast opp mot kravet om å vere skikka.

Etter forskrift til minerallova § 3-1 skal alle uttak av mineralske ressursar ha ein bergteknisk ansvarleg.

Tiltakshavaren har i søknaden gjeve opp Stig Seime som bergteknisk ansvarleg for uttaket. Personen er registrert hos DMF som bergteknisk ansvarleg for uttaket og oppfyller kvalifikasjonskrava i forskrifta.

Etter DMF si vurdering har Tiltakshavaren tilstrekkeleg kompetanse til å drive førekomensten.

5.7 Dei miljømessige konsekvensane av utvinning

I vurderinga av om det skal gjevast driftskonsesjon skal det leggjast vekt på omsynet til miljøet og kulturminne.

Det finst ein reguleringsplan for uttaket, vedteken 24. februar 2003.

Biologisk mangfald – vurdering etter naturmangfaldlova

Naturmangfaldlova § 7 pålegg alle offentlege instansar som tek avgjerder som påverkar naturen å vurdere planlagde tiltak opp mot prinsippa i naturmangfaldlova §§ 8–12. Reguleringsplanen, høyningsfråsegner og eigne søk i Naturbase og Artskart (gjennomførte i september 2020) er lagde til grunn for vurderingane etter



naturmangfaldlova i DMF si handsaming av søknaden. DMF reknar kunnskapsgrunnlaget etter naturmangfaldlova § 8 for å vere tilstrekkeleg til at det kan fattast vedtak i saka. Føre-var-prinsippet i naturmangfaldlova § 9 gjeld såleis ikkje.

Oppsummering av kunnskapsgrunnlaget:

DMF har ved søk i naturbase og artskart ikkje gjort funn av verken prioriterte eller trua artar eller utvalte eller trua naturtypar i konsesjonsområdet. Uttaksområdet ligg likevel innafor område for villrein i Naturbase. Treffet har områdenamn Førdefjella, med villreinidentitet BV00000630.

I samband med høyring av driftskonsesjonssøknaden bad DMF Fylkesmannen i Vestland uttala seg om den moglege påverknaden av tiltaket for villrein. Fylkesmannen i Vestland har i høyringsfråseguna si lagt til grunn at villreinen ikkje blir påverka av masseuttaket i konsesjonsområdet.

Etter DMF si vurdering vil slikt uttak av massar som det er søkt om ikkje vere i konflikt med forvaltningsmålet for naturtypar og økosystem som er fastsett i naturmangfaldlova § 4 eller forvaltningsmålet for artar i naturmangfaldlova § 5.

Etter naturmangfaldlova § 10 skal den samla belastinga på økosystem og naturmangfaldet i regionen vurderast.

Uttaksområdet er i stor grad omkransa av skog. DMF vurderer at arealbeslaget til dels allereie er gjort i samband med tidlegare aktivitet. Massetaket medfører anleggaktivitet så lenge uttaket går føre seg. Miljøsøk og innkomne høyringsfråsegn har ikkje avdekt forhold som medfører at den totale belastninga for økosystemet og naturmangfaldet i regionen blir svekt på grunn av uttaket.

DMF har kome til at det ikkje finst avgjerande moment som talar mot å innvilge konsesjon.

Konsekvensar av tiltaket for kulturminner

Det er ikkje registrert automatisk freda kulturminna i konsesjonsområdet. DMF minner likevel om den generelle varslingsplikta etter kulturminnelova § 8.

Forureining

Massetaket kan føre til partikkelflukt til vann og luft, med potensiale for påverknad av vannmiljø. Effektane på vassdrag kan være tilslamming og generelt forverra vannkvalitet.

Forureining i form av støv, støy og avrenning til vassdrag regulerast av forureiningsforskriftas kapittel 30. DMF minner om meldeplikta til forureiningsmyndigheten ved oppstart eller endringar/utvidingar av verksemda.

5.8 Forholdet til omgivnadene og nærliggjande område under drift

Mineralressursane skal forvaltast og brukast på ein måte som tek omsyn til omgjevnadene og dei nærliggjande områda under drift. Det er difor viktig at drivaren gjennomfører nødvendige sikringstiltak for å unngå skadar på eigedom, menneske og dyr.



I driftsplanen er det opplyst om at området mot fylkesvegen skal stengjast av med gjerde. Ved åtkomsten til brotet er det satt opp skilt og terrenget rundt brotet er sikra med gjerde.

Etter DMF si vurdering er dei planane som finst for sikring under drift tilfredsstillande.

5.9 Kva tiltaket får å seie for verdiskaping og næringsutvikling

Førekomsten det er søkt om driftskonsesjon for fell inn under råstoffgrupperinga sand, grus, pukk og leire (byggjæråstoff). Råstoffet blir bruk i produkt som det moderne samfunnet er heilt avhengig av og som blir brukte i bygg, vegar og anlegg.

Førekomsten består av gneis og granitt som blir brukt både i eige firma og for sal av pukk og stein til andre bedrifter og privatpersonar. Noverande produksjon består av ulike fraksjonar av pukk, singel og grus, samt stein til natursteinsmurer.

5.10 Langsiktig planlegging for etterbruk eller tilbakeføring av området

I driftsplanen er det opplyst om at pallane blir sikra og brotveggar reinska fortløpande. Når det regulerte området er ferdig uttatt, blir området tilbakeført med vegetasjon. Dette blir gjort ved at skråningane tilførast jordmassar som gjer at vegetasjon lett etablerer seg, og det vil bli vurdert om ein må plante bjørk og furu for å skunde på prosessen. Området skal tilbakeførast til landbruksområde. Ved avslutting av uttaket, skal også produksjonsutstyr/konstruksjonar, infrastruktur og skrot fjernast.

Etter DMF si vurdering er dei planane som finst for etterbruk eller tilbakeføring tilfredsstillande.

5.11 Økonomisk sikkerheit

I søknaden om driftskonsesjon har Tiltakshavaren, i samsvar med forskrift til minerallova § 2-1, gjort framlegg til korleis sikkerheit kan stillast. DMF fastset dei endelige krava til sikkerheit.

Tiltakshavar har kome med forslag om grunnbeløp/bankgaranti på NOK 150 000 og eit årleg innskot på NOK 1,00 pr. uttatt tonn.

5.11.1. Pålegg om å stille økonomisk sikkerheit og vurdering av kor stor sikkerheita skal vere

Etter DMF si vurdering er Tiltakshavaren sitt framlegg til kor stor sikkerheita skal vere ikkje tilfredsstillande. Etter forskrift til minerallova § 2-1 tredje ledd skal den økonomiske sikkerheita vere tilstrekkeleg til å dekkje Tiltakshavaren si sikrings- og oppryddingsplikt.

Etter ei konkret vurdering av tiltaket finn DMF at Tiltakshavaren skal påleggjast å stille finansiell sikkerheit på NOK 600 000 for å sikre at nødvendige sikrings- og oppryddingstiltak blir gjennomførte etter minerallova §§ 49 og 50, jf. minerallova § 51. I vurderinga av kor stor sikkerheit som skal kreva har DMF lagt vekt på sine eigne erfaringstal for tilsvarande uttak, med tillegg for eksterne og uventa kostnader.

5.11.2. Form for sikkerheit

Det skal stillast sikkerheit i ei slik form at den ikkje vil gå inn i konkursbuet i tilfelle konkurs hos Tiltakshavaren, jf. forskrift til minerallova § 2-1 tredje ledd.



Etter DMF si vurdering vil det vere føremålstenleg at den økonomiske sikkerheita blir stilt ved bankgaranti.

Innan 2 månader etter datoен då konsesjonsvedtaket blei gjort skal Tiltakshavaren stille ein bankgaranti som DMF vurderer som tilfredsstillande som påkravsgaranti for eit beløp på NOK 600 000.

DMF kan fremje krav i høve til bankgarantien i desse tilfella:

- (i) Etter utløpet av Tiltakshavaren sin frist for å utføre naudsynte sikrings- og oppryddingstiltak som DMF godtek;
- (ii) Ved konkurs, opphør eller anna avvikling av Tiltakshavaren si verksemد; og
- (iii) Dersom konsesjonen blir trekt attende.

Ved melding til garantisten om at eitt av tilfella nemnde i punkt (i)–(iii) over har oppstått har DMF rett til å få utbetalat det kravet som blir gjort gjeldande etter bankgarantien, utan omsyn til motsegner frå Tiltakshavaren.

Bankgarantien fell bort etter skriftleg samtykke frå DMF.

5.11.3. Rapportering og dokumentasjon

DMF finn det naudsynt at Tiltakshavaren undervegs i drifta vurderer om den sikkerheita som er stilt er tilstrekkeleg til å dekkje kostnadene til sikrings- og oppryddingstiltak og gjev DMF tilbakemeldingar om dette. Dersom den fastsette driftsperioden for uttaket blir endra eller det skjer andre vesentlege endringar i driftsplanen, skal DMF informerast umiddelbart.

DMF kan òg ha behov for meir rapportering og dokumentering enn det som er skildra over, og finn det difor naudsynt å påleggje Tiltakshavaren plikter i så måte i konsesjonsvilkåra.

5.11.4. Justering av sikkerheita

Etter forskrift til minerallova § 2-2 første ledd andre punktum kan DMF gjere vedtak om endring av storleiken på avsetjinga, inkludert dei årlege innbetalingane frå Tiltakshavaren, og tidspunktet for innbetaling. Slike endringar kan òg gjerast når som helst ved endringar i minerallova og andre relevante lover, forskrifter og vedtak.

Dersom det blir endringar i krava til sikkerheit pliktar Tiltakshavaren å stille med ny påkravsgaranti og/eller signere en pantsettingserklæring som skal sendast banken, og inngå ein ny avtale om finansiell sikkerheit dersom denne skal bestå av anna enn bankgaranti aleine.

6. Kor lenge driftskonsesjonen gjeld

Driftskonsesjonen kan reviderast etter 10 år.

Driftskonsesjonen fell bort dersom drift ikkje er starta opp seinast fem år etter at konsesjonen er gitt. Det same gjeld dersom drifta blir innstilt i meir enn eitt år. Det kan søkjast til DMF om å forlengje desse fristane. Driftskonsesjonen fell òg bort dersom:



- utvinningsretten for statens mineral blir sletta
- avtalen om rett til å utnytte førekjennst av grunneigars mineral går ut
- skjønn ikkje er kravd innan eitt år etter at ekspropriasjonsløyve er gitt etter minerallova § 37 andre ledd bokstav a

Driftskonsesjonen kan ikkje overdragast. Det gjeld òg ved overdraging av utvinningsretten.

7. Plikter for Tiltakshavaren

Tiltakshavaren har rettar og plikter som følgjer av minerallova med forskrifter.

Meldeplikt ved oppstart og stans av drift

Seinast éi veke før oppstart av drifta skal Tiltakshavaren sende melding til DMF.

Tiltakshavaren skal òg sende melding til DMF før drifta mellombels blir stansa eller lagd ned i medhald av minerallova § 44.

Drifta skal utførast med varsemd

Drifta skal utførast med varsemd, slik at skadane ikkje blir større enn nødvendig. Etter minerallova § 48 skal arbeida heller ikkje føre til unødig forureining eller skade på miljøet.

Forsvarleg sikring og opprydding

Området skal sikrast slik at arbeidet ikkje medfører fare for menneske, husdyr eller tamrein. Etter minerallova § 49 omfattar sikringsplikta òg gruveopningar, tippar og utlagde massar på område som er knytte til konsesjonsområdet.

Etter minerallova § 50 skal området vere forsvarleg rydda mens arbeida går for seg. Etter minerallova §§ 49 og 50 skal området vere forsvarleg rydda og varig sikra etter at arbeida er avslutta. DMF kan fastsetje ein frist for når oppryddinga skal vere avslutta.

Ansvaret til bergteknisk ansvarleg

Bergteknisk ansvarleg har eit særskilt ansvar for å sjå til

- at drifta er teknisk forsvarleg og tek omsyn til arbeidstakrar, nærliggjande bygningar og omgivnadene elles
- at førekjennst blir avbygd på ein berekraftig måte
- at drifta til kvar tid er i samsvar med ein ajourført og godkjend driftsplan

Rapportering

Tiltakshavaren skal sende årleg driftsrapport til DMF via «Min side» på dirmin.no.

Når uttak av grunneigars mineral blir lagt ned, kan DMF stille krav om å sende inn sluttrapport, måledata og prøvemateriale. Dette gjeld dersom uttaket har mineraliseringar av vesentleg geologisk interesse.

8. Rett til å klage

Partane i saka og andre med rettsleg klageinteresse kan klage på vedtaket i samsvar med reglane i forvaltingslova kapittel VI.



Fristen for å klage er tre veker etter at de har fått dette brevet. Klagen skal sendast til DMF for ny vurdering. Dersom DMF ikke finn grunn til å gjøre om vedtaket, sender vi klagen til Nærings- og fiskeridepartementet, som gjer endeleg vedtak i saka. I klagen må de gjøre greie for kva de klagar på, og kvifor, og de må foreslå endringar.

Etter forvaltingslova § 18 og 19 har partane i saka rett til å sjå saksdokumenta.

Vennleg helsing

Unni Garberg
seksjonssjef

Stine Lunheim
rådgiver

*Dokumentet er elektronisk signert og har derfor ikke håndskrevne signaturen.
Saksbehandler: Stine Lunheim*

Vedlegg:
Konsesjonsområdet
Avtale om finansiell sikkerhet for Søreide masseuttak
Pantsettelseserklæring for Søreide massetak
Godkjent driftsplan
Adresseliste Søreide

Mottakere:

Eide Sandtak AS	Industrivegen 6	6823 SANDANE
-----------------	-----------------	--------------

Kopi til:

Statens vegvesen Region vest	Postboks 43	6861 LEIKANGER
Gloppe kommune	Grandavegen 9	6823 SANDANE
Fylkesmannen i Vestland	Njøsavegen 2	6863 LEIKANGER
Adresseliste		
Norges vassdrags- og energidirektorat Region vest	Naustdalsvegen 1B	6800 FØRDE
Statnett SF	Postboks 4904 Nydalen	0423 OSLO
Vestland fylkeskommune	Postboks 7900	5020 BERGEN